

# Okunnyonnyola Emirembe Omusanvu Egy' Ekkanisa

## Essuula Ey'ekkumi Emirembe Mu Bufunze

Nga bwe tubadde tugoherera lunyiriri ku lunyiriri mu kusoma kwaffe mu kunnyonnyola Ebyawandiikibwa ebyo ebyogera ku mirembe omusanvu, tetutaddeewo kifaananyi kya wamu eky'ekkanisa nga bwe tubadde tuteekwa okukola. N'olw'ekyo, kati kigendererwa kyaffe, okuddira essuula eno tutandike n'Omulembe gwa Efeso tuyite mu mirembe gyonna ekkanisa n'ebafaayo byayo nga'Omwoyo wa Katonda bwe Yabiwa Yokaana. Tetujja kwongeramu bintu bipyera n'ebyo bye tulina tetujja kubikwataganya.

Okuva mu kusoma kwaffe twamaze dda okuyiga nti ekitundu kinene ku Kubikkulirwa kitegeereddwa mu bukyamu kubanga emabegako tetwamanya nti "ekkanisa" eyogerwako era gye boogera nayo mu kitabo kino tekwata ku (si y'eyo) "ekkanisa" etali ntabulemu "omulonde," "omubiri gwa Kristo," "omugole," wabula aboogerwa nabo be bantu omubiri gwonna mu bulamba abayitibwa Abakulisitaayo, ka babe Bakulisitaayo ab'amazima obaabeeita obweyisi. Nga Isiraeri bw'atali Isiraeri yenna, bwe tutyo tuyiga nti ekkanisa erimu emizabbibu ebiri nga girunngamizibwa emyoyo gya bika bibiri; ogumu gulina Omwoyo Omutukuvu so ng'omulala gujjudde omwoyo gw'omulabe wa Kristo. Gyombi gigamba mbu gimanyi Katonda nti era naye Agimanyi. Gyombi gigamba mbu gyogerera Katonda. Gyombi girina emisingi egifaanagana okuyimiridde amazima ate nga ku birala tegikkiriziganya. Naye nga bwe kiri nti gyombi giyitibwa Erinnya Iya Mukama Abakulisi-taayo, era okuyitibwa erinnya eryo ne gigamba mbu girina oluganda ne Katonda (Katonda Abuyita bufumbo), kati Katonda Agitwala okuba nti givunaanyizibwa gy'Ali n'olw'ekyo Ayogera eri buli gumu ku gyo.

Tweyongedde ne tuyiga nti emizabbibu gino ebiri gikulira wamu nga giriraanaganye okutuusa ku nkomerero y'emirembe gyombi we girituukira ku ntikko gikungulwe. Omuzabbibu ogw'obulimba tegwawangula guli ogw'amazima guguzikirize, wadde n'ogwo ogw'amazima tegwasobola kuleeta ogwo ogw'obulimba mu nkolagana ey'obulokozi ne Kristo.

Twayize amazima agasingayo okusamaaliriza nti Omwoyo Omutukuvu Yali Asobola era Yali wa kukka ku Bakulisitaayo abatali balokole, abo omuzabbibu ogw'obulimba boolese obubonero n'ebayamagero eby'enjawulo mu maanyi, okufaanana nga Yuda bwe yalina ddala obuweereza mu Mwoyo Omutukuvu, newankubadde ye, yennyini yawemuukirizibwa okuba setaani.

Ng'enkola zino (waggulu) tuzitadde mu mitima gyaffe tutandika okwekenneenya ekkanisa okuyita mu mirembe omusanvu egy'enjawulo.

Ekkanisa yazaalibwa ku Pentekoote. Nga Adamu eyasooka bwe yaweebwa omugole omupya okuvira ddala mu mukono gwa Katonda era n'aba nga Si mwonoonefu okumala akabanga katono, bw'Atyo ne Kristo, Adamu ow'oluvannyuma, Yaweebwa omugole omulongoofu omupya ku Pentekoote; era n'asigala nga mwawufu era atali mwonoonefu okumala ebbanga.

"So n'abalala tewali n'omu eyayannganga okwegatta nabo" (Bikolwa 5:13), ne

"Mukama n'Abongerangako bulijo abaalokokanga."

Bikolwa 2:47.

Tetumanyi bbanga ki kino kye lyatwala, wabula liali lumu okufaanana nga Kaawa bwe yakemebwa n'asendebwasendebwa Setaani, n'ekkanisa bw'etyo yayonoonebwa okuyingira kw'omwoyo omulabe wa Kristo.

"Era ogwo gwe mwoyo gw'omulabe wa Kristo, gwe mwawulira nga gujja, era kaakano gumaze okubeera mu nsi"

1 Yokaana 4:3.

Era Yesu Yayogera ku mugole We ow'omu mulembe ogwasooka,  
*"Naye nnina ensonga ku ggwe, kubanga waleka okwagala kwo okw'olubereberye. Kale jjukira gye wagwa, weenenye."*

Okubikkulirwa 2:4-5.

Mu mulembe ogwo ogwasooka ekkanisa yali 'mukazi eyagwa.' Okufaanana nga setaani bwe yasooka Adamu okukozaesa Kaawa, ne kaakati Setaani yasendasenda ekkanisa, omugole wa Kristo nga 'eky'eggulo ky'embaga y'Omwna gw'Endiga' tekinnabaawo. Era kiki kyennyini ekyali wakati mu ye ekyavaako okugwa? Kiki okuggyako Okubikkulirwa 2:6, " "EBIKOLWA BY'ABANIKOLAYITI?" Omulembe ogwasooka gwali gwamala dda okukyama okuva ku Kigambo kya Katonda ekirongoofu. Baava ku Katonda kye Yali Ayagala eky'ekkanisa okwesigamira ddala ku Ye (okwesigama ku Ye yekka Atuukirize Ekihambo Kye okuva ku ntandikwa okutuuka ku nkomerero awatali gavumenti ya buntu) ne badda ku Bwanikolayiti, ng'ebyo kwe kutegeka gavumenti ey'obuntu mu kkanisa, ng'eyo, okufaanana nga gavumenti zonna bwe zikola, yo y'ekolera abantu amateeka. Baakolera ddala nga Isiraeri kye yakola. Baatwala entegeka ya gavumenti ey'obuntu mu kifo y'Ekihambo n'Omwoyo.

Okufa kwali kuyingidde. Tumanyi tutya? Tetuwulira ddoboozi lya Mwoyo nga likaaba mu mulembe ogwo ogwasooka eri abo bona ab'okuwulira ng'Ayita "Oyo awangula Ndimuwa okulya ku Muti gw'Obulamu oguli wakati mu lusuku lwa Katonda"? Ekklesia yali yamala dda okukkirira ebuziba mu muti gw'okufa (oba omuzabbibu gw'eddiini ogw'obulimba) ogugenda okuzikirira mu nnyanja ey'omuliro. Wabula tewaliwo ba Kerubi balina bitala byakaayakana na nnimi za muliro kukuma Muti gwa Bulamu kaakati. Katonda kaakati Tavaawo wakati mu kkanisa nga bwe Yavaawo mu Adeni. Oh, nedda, lubeerera Ajja kubeera wakati mu kkanisa Ye okutuuka mu mulembe ogusembayo. Era Akyayita bona okujja okutuusa ekiseera ekyo.

Kati mwattu leka wano twegendereze. Obubaka buno eri Malayika ow'ekkanisa eri mu Efeso si bubaka obw'ekkanisa yennyini ey'omu kitundu eky'omu Efeso. Bubaka eri OMULEMBE. Era omulembe ogwo gwalina mu gwo ensigo ey'amazima n'ensigo ey'ensobi mu ngeri yennyini gye kyalagibwamu okusinziira ku lugero Iw'enngaano ennungi n'enngaano ey'omu nsiko. Emirembe gy'ekkanisa y'ennimiro, era omwo mwe muli enngaano ennungi n'ey'omu nsiko. Ekklesia ey'obulimba yeetegekera, enfuga n'Ekihambo n'ebifuula bya buntu, n'erwanyisa Omukulisitaayo omutuufu.

Enngaano ey'omu nsiko bulijjo yayanya okusingira ddala enngaano ennungi oba ekimera kyonna ekirimibwa. Ekklesia ey'enngaano ey'omu nsiko yakulira ku mbiro empitirivu mu mulembe ogwasooka. Naye n'ekkanisa ey'enngaano ennungi nayo yali ekula. Omulembe gw'ekkanisa eyasooka we gwaggweerako ebikolwa bya Banikolayiti byali byeyongera okwanya mu makanisa ago ag'omuzabbibu egw'obulimba agaalinga mu bitundu ebyo nga gagezaako okusaasaanya ettutumu lyabwe ewala okusinga omubiri gwabwe. Ettutumu lyagwo lyatuuka ku kkanisa ey'amazima kubanga abantu nga ow'ekitiibwa Polycarp baali beeyita balabirizi nga bakozesa ekitiibwa ekkyo ekintu ekyali kitasangibwa mu bo okusinziira ku Kigambo. N'ekirala mu mulembe ogwo, ekklesia ey'amazima yali esudde okwagala kwayo okwasooka. Okwagala okwo kwalabikira mu kifaananyi ky'okwagala kw'omugole omukazi n'omugole omusajja ku mbaga yaabwe n'emyaka gyabwe egisooka mu bufumbo. Okwagala okwo okulamba awamu n'okweweerayo ddala eri Katonda byannyogoga.

Naye laba. Okubikkulirwa 2:1 kinnyonnyola Mukama Yesu nga bw'Ali wakati mu kkanisa Ye ng'Awaniridde ababaka mu mukono Gwe ogwa ddyo. Olw'okuba omugole ono agudde, olw'okuba ekklesia ey'awamu kati efuuse kintabuli eky'ab'obulimba n'ab'amazima, Tagireka. Yiye.

Era okusinziira ku Abaruumi 14:7-9 ekkyo bwe kiri ddala.

*"Kubanga tewali muntu mu ffe eyeeberera omulamu ku bubwe yekka.*

*Kubanga bwe tubeera abalamu , tuba balamu ku bwa Mukama waffe: Kale, bwe tuba abalamu, oba bwe tufa, tuba ba Mukama waffe.*

*Kubanga Kristo kye Yava Afa n'Abeera omulamu, Alyoke Abeerenga Mukama w'abafu era n'abalamu."*

Ku musaalaba Yagula ensi YONNA ey'abantu. Babe. Ye Mukama w'abalamu n'abafu. (Ebikwata ku bwannanyini, so SI oluganda.) Era Atambulira wakati mu mubiri ogwo ogulina mu gwo obulamu n'okufa.

Ekyasimbibwa mu mulembe ogwasooka kijja kukula mu mulembe ogwokubiri ne mu mirembe emirala gyonna okutuusa Iwe kinaatuuka ku kwengera kikungulwe. N'olw'ekyo mu Mulembe gwa Sumuna tusuubira okugaziyizibwa n'okumulisibwa kw'ebafaayo by'ekkanisa ey'awamu okuyita mu kubikkulirwa kw'Omwoyo.

Mu mulembe guno obukyayi bw'omuzabbibu ogw'obulimba bwetyongera. Laba, beeyawudde (olunyiriri olwomwenda) ku kibiina ky'ab'amazima. Baabavaamu. Baali balimba. Beeyita ekyo kye batali. Naye Katonda Yabazikiriza? Nedda. "Mubaleke, bombi bajja kutuuka ku makungula."

"Naye, Mukama, basaanye bazikirizibwe kuba bazikiriza abantu Bo. Babatta."

"Nedda, mubaleke. Naye eri omugole Wange nngamba, 'Beera mwesigwa okutuusa kufa. Yongera n'okunjagala.'"

Tuyigira ddala awatali kubuuusabuusa nti omuzabbibu guno ogw'obulimba gwe muzabbibu gwa setaani. Okukunngaana kwabwe kukwe (kwa setaani). Bakunngaana mu Linnya Iya Katonda ne balimba nti ba Kristo. Babuulira, bayigiriza, babatiza, basinza, bagabana ku mpisa Kristo ze Yawa ekkanisa, so nga si ba Katonda. Naye okuva bwe bagamba nti babe, Katonda Ajja kubabalirako obuvunaanyizibwa era mu buli mulembe Aboogerako era Ayogera gye bali. Batujjukiriza ddala Balamu. Yalina obuweereza obw'obunnabbi. Yamanya engeri entuufu ey'okutuukiriramu Katonda nga bwe kyalabibwa mu ssaddaaka y'ebisolo ebirongoofu. So nga, teyali NNABBI WA KIGAMBO omuntuufu, kubanga, Katonda bwe Yamugamba obutagenda kuberawo kuwa Balaki kitiiibwa, yafuba okumala gagenda, kubanga yatwalirizibwa amaddu ga zaabu n'ebitiibwa. Kale Katonda Yamuleka n'agenda. Okwagala kwa Katonda okutuukiridde kwaleka (kwawa ekkubo) okwagala kwa Katonda okuwalirize "olw'okwegomba kw'omu mutima" okwa Balamu. Mu butuufu Katonda Yagamba, "Genda mu maaso." Katonda Yakyusa endowooza Ye? Nedda ssebo. Katonda Yalina engeri Ye newankubadde Balamu yagenda. Balamu teyajjulula kwagala (ntegeka) kwa Katonda. Wadde byali bwe bityo Ye Katonda Yalina engeri eyiye. Balamu ye yafiiwa kubanga Ekigambo yakiytako.

Era ennaku zino tulina ekintu kye kimu kyennyini ekyo. Abakazi ababuulizi, ebibiina, enjigiriza ez'obulimba, n'ebirala, n'abantu nga basinza Katonda, booleka mu Mwoyo era nga bagendera ddala mu maaso nga Balamu bwe yakola, nga bagamba mbu Katonda Ayogedde gye bali wadde ekiragiro (okutumibwa) kye baba bafunye kikontana n'Ekigambo ekibikkule. Era sijja kukiwakanya nti Katonda Yayogera gye bali. Naye kifaananira ddala nga bwe Yayogera eri Balamu omulundi ogwo ogwokubiri. Nga bwe Yamanya nti Balamu yayagala ye kye yali ayaayaanira mu mutima gwe okusinga Ekigambo Katonda Yakimuwa, so nga ekiseera kyonna okutuuka ku nkomerero Yalina enkola EYIYE; n'ennaku zino Katonda Agamba abantu okugenda mu maaso n'ebyo bye bayaayaanira mu mitima gyabwe kubanga baagaana dda Ekigambo. WABULA EBYO KATONDA BY'AYAGALA, BYO BIJJA KUKOLEBWA. Amiina. Nsuumira kino mukiraba. Kijja kutangaaza butangaaza bingi ku ebyo ebirabibwa mu mirembe gyonna n'okusingira ddala mu mulembe guno ogusembayo omuli okweyleka okungi n'emikisa eg'yoku ngulu ng'ekiseera kyonna mu bulamba kiwakanya "Ekigambo Ekibikkule" Katonda ky'Ayagala.

Oba waali wabaddewo omulembe ogwafuna obubaka obulabika era obw'omwanguka, omulembe ogwo gwe guno. Ge gaali, era na kati ge mazima g'omu Ndagaano Enkadde, "Omwana w'omuzaana wa kuyigganya omwana w'oyo ow'eddeme okutuusa omwana w'omuzaana Iw'alisiulibwa ebweru." Ekyo kitumanyisa nti obukyayi n'obuvvoozi bwa Setaani eri Omukulisitaayo ow'amazima bigenda kuyita mu kibiina ky'abo abayitibwa obuyitibwa Abakulisitaayo, ab'obulimba, era kino kya kweyongera okutuusa Katonda Iw'Alikuulawo omuzabbibu ogwo ogw'obulimba ku nkomerero y'Omulembe gwa Lawodikiya.

Omulembe ogwokusatu gwabikkulwa Omwoyo w'obunnabbi nti ekkanisa ey'ensi ya kuyingiza Obwanikolayiti ng'enjigiriza. Ababuulizi okwawulibwa ku bagoberezi (abakkiriza) kyakula okuva ku mazima ga Bayibuli agakwata ku bakadde (abasumba b'ebisibo ebitali bimu) abaali bafuga ekisibo nga bakozesa Ekigambo, ne kutuuka ku "bikolwa bya Banikolayiti" ababuulizi mwe beeteekera mu madaala buli omu waggulu w'omulala, enkola etali mu byawandiikibwa eyafuukamu obwakabona obwateeka ababuulizi wakati w'abantu ne Katonda, ne bubaako eddembe lye buwa ababuulizi ng'ate abagoberezi bubamma (bubaggyako) eddembe lyabwe eryabaweebwa Katonda. Kuno kwali kuwamba bufuzi. Mu mulembe guno yafuuka njigiriza. Kyanywezebwa mu kkanisa ng'Ekigambo kya Katonda ekikakafu, ate nga ddala si kye kyali. Naye bo ababuulizi baakiyita Kigambo kya Katonda n'olw'ekyo enjigiriza yali mulabe wa Kristo.

Gavumenti y'obuntu, mu bimpimpi, nga bw'eri eby'obufuzi ebyereere, ekkansa yeenyigira mu by'obufuzi. Okubyenyigiramu kuno kwayanirizibwa kabaka nnakyemalira eyagatta eby'obufuzi bw'ekkanisa n'eby'obufuzi bw'eggwanga era n'akozesa ekifuba okunyweza ekkansa ey'obulimba (eddiini ya Setaani ey'obulimba) ng'eddiini entuufu. Era okuyita mu birangiri ro ebitali bimu ebyafolumizibwa bakabaka abatali bamu tulaba ekkansa ey'obulimba mu buniikivu ng'ekozesa obuyinza bw'eggwanga okuzikiriza omuzabbibu ogw'amazima.

Kya nnaku okugamba nti omuzabbibu ogw'amazima nagwo gwali gusobola okuyingiramu enjigiriza eno. Kye ntegeeza tekiri nti omuzabbibu ogw'amazima gwasimbako endowooza y'Abanikolayiti ng'enjigiriza. Nedda n'akatono. Wabula akawuka aka ak'okufa kagendanga kanyuunyunta omuzabbibu ogw'amazima nga kasuubira nti gusobola okugwa. Wadde mu kkanisa entuufu, abantu Katonda be Yali Ayise ng'abalabirizi baali balina erinnya eryo ng'amakulu gaalyo gaali nti baalinna obuvunaanyizibwa obusukkako katono mu bitundu mwe baalinga. Mu kiseera kino Pawulo bye yali awandiise byali tebitegeerekeka bulungi. Kubanga Pawulo yali agambye, "Ne bagulumiza Katonda mu nze." Si nsonga buyinza ki Pawulo bwe yalina, abantu yabatunuulizanga Katonda Oyo Asibukamu obuyinza bwonna. Naye abaawule bo baatunuuliranga Obukulembeze Obutukuvu AWAMU N'OBW'OBUNTU, kale ne bateeka ekitiibwa we kyali kitasaanira; tusanga ng'ekkanisa yalimu amabala ag'enkola z'obuntu. Ng'obwanikolayiti busimbiddwa — obutume obw'ensikirano — abaweebereza abateekeddwamu — abasumba abakubiddwa obululu, n'ebirala, waaliwo eddaala limu lyokka ekkansa ey'obulimba lye yali esigazza okweyerongerayo okutuuka ku Bwabalamu. Eddaala eryokubiri okuyingira mu "buziba bwa Setaani" mu kiseera kino lyali ligenda mu maaso.

Eddaala lino eryokubiri ye yali enjigiriza ya Balamu, (ennyonnyolwako mu Okubikkilirwa 2:14) Balamu mwe yayigiriza Balaki okwesittaza abaana ba Isiraeri okuyita mu "lukunngaana olw'okwegatta." Awo abagenyi baalina okukola ebintu ebirala bibiri ebikontana n'Ekgambo kya Katonda. Munnajjukira nti Balaki yali yeetaaga obuyambi okusobola okuyimirizaawo obwakabaka bwe. Yayitayo omuntu ow'omwoyo eyali asingayo okuba omututumufu mu nnaku ze, Balamu. Balamu yawa amagezi agaatega era ne gazikiriza Isiraeri. Okusookera ddala, gaali, kuleeta kirowoozo nti bona beegatte bayiteeyite mu bintu, baliire wamu era batereeze ensonga. Ate n'okuba, okutegeeragana kugenda wala nnyo. Ekyo kasita mukituukiriza muyinza okutandikira awo. Eddaala eryokubiri lyali kusinziza wamu, awatali kubuuusabuusa n'ekirala, okunyigirizaamu okutonotono abakyaza kwe bakola, bulijjo abagenyi kubongezaayooke katono okusinga bwe baba bategese. Kati ekyo tekyatuuka ku kkanisa ya Katonda yokka ey'edda mu Ndagaano Enkadde naye kyatuuka ne ku kkanisa ey'omu Ndagaano Empya, kubanga waaliwo kabaka, okufaanana nga Balaki eyali yeetaaga okukuma obwakabaka bwe.

Kale Constantine yayita abo abaali beeyita Abakulisiaayo, mbu nga y'ekkanisa ya Rooma embereberye, bamuyambe okwezza Abakulisiaayo emabega we, okuva lwe baali ekibiina ekinene ennyo. Ekyavaamu lwe Lukiko lwe Nikyeya (Nicea Council) mu mwaka 325. Eyo Abakulisiaayo abatuufu, n'abo abaali beeyita obweyisi, gye baakunngaanira nga bayitiddwa Constantine. Abakulisiaayo abatuufu tebaalina na nsonga ebatwala kugenda mu lukunngaana. Newankubadde Constantine alina bye yakola okubagatta bona, abakkiriza aba nnamaddala baamanya nti baali tebajja mu kifo ekyo bo kwe kuvaawo. Naye abo abaaigala, Constantine yabawa ku bintu by'omu ggwanika ly'eggwanga obuyinza obw'obufuzi awamu n'amaanyi ag'omubiri. Abantu baabatandika okusinza ebifaananyi n'okusamira, kubanga ebifaananyi ebyole nga birina amannya g'abatukuvu byateekebwa mu bizimbe abantu ne bayigirizibwa okwogera n'abafu, oba okusaba eri abatukuvu ekintu kyennyni ekitalina njawulo na busamize. Kubanga mu kifo ky'emmere omuntu gye yeetaagira ddala, Ekgambo kya Katonda, baaweebwa bikwate, biragi na bulombolombo n'ebyo era eggwanga bye lyakakaatika obukakaatisi, era okusinga byonna baaweebwa bakatonda basatu n'erinnya ery'emirundi esatu erya Katonda Omu Omutuufu, n'okubatizibwa kw'omu mazzi mu Linanya Iya Mukama Yesu Kristo ekyaleeta okubatizibwa okw'ekikaafiiri mu mitwe esatu.

Abakkiriza aba nnamaddala baali tebasaana kulinnyayo eyo. Baali bamaze okufiirwa amazima mangi, kati nabo, baali bagenda kuviiwbako okutegeera Obulamba bwa Katonda bafiirwe amannya batwalemu emitwe (ebitiibwa) mu kubatizibwa okw'omu mazzi.

Kati tunuulira nnyo enjigiriza ya Balamu eno n'obwegendereza. Okusingira ddala kimanye, nti nkola, kikolwa kigenderere eky'ababuulizi abakyamu okwesibako abantu, nga bagenderera okuyingiza abantu mu kibi eky'obutakkiriza. Enjigiriza y'Abanikolayiti bwe bwali obukyamu bw'ababuulizi bwe baali nga banoonya obuyinza bw'obufuzi mu bokka na bokka, ate nga Obwabalamu kwe kuteeka abantu wansi w'enkola yaabwe ey'ebikwate n'ensinza baleme okubavaako. Kati kino kitunuulire n'obwegendereza. Kiki ekyasiba abantu ku ekyo ekiytibwa obuyitibwa ekkanisa era ne kibazikiririza omwo? Byali bikwate na biragiro ebyagunjibwa mu nzikiriza z'ekkanisa. Ye yali enjigiriza ya Ekereziya y'e Rooma Enkatolika. Tebaaweebwa mmere ntuufu, Ekigambo. Baaweebwa emmere eyava mu kusinza ebifaananyi, obukaafiiri bwa Babulooni nga buzingiddwa (bukwekeddwa) mu bigambo by'Ekikulisitaayo.

Era omwoyo ogwo gwe gumu gwennyini n'enjigiriza biri ddala wakati mu Bapulotesitante bona era guyitibwa DDIINI (DENOMINATION). Obwanikolayiti kye kibiina, obukulembeze bw'ekkanisa okufuulibwa obw'obuntu, ekivaamu okumaamulako Omwoyo. Obwabalamu y'enkola y'eddiini etwala ebyawandiikibwa eby'ekkanisa mu kifo kya Bayibuli. Era n'okutuusiza ddala ku ssaawa eno, bangi ku bantu ba Katonda bakwatiddwa mu kyambika ky'enkola y'eddiini era Katonda Ayogerera waggulu gye bali, "Mukifulumemu, abantu Bange, mu leme okussa ekimu n'ebibi bye, era muleme okuweebwa ku bibonyoobonyo bye." Mulabe, tebamanyi. Naye singa okukwakkulibwa kubeerawo kati, obutamanya tebuyinza kuba kkooti ejulirwamu nga Katonda okubeera mu madaala amakyamu Akusalidde omusango.

Eky'ababuulizi okwetegekamu mu bokka na bokka amadaala erimu waggulu wa linnaalyo okutuusa ku ntikko lwe bafugibwa pulezidenti, kyoleka omwoyo omulabe wa Kristo, si nsonga ne bwe kiba nga kyewuunyisa ova kyetaagisa kwenkana wa. Temuli kantu wabula ndowooza ya buntu okudda mu kifo ky'Ekigambo. Era omuntu yenna ali mu ddiini entegeke aba ali ddala wakati mu nkola y'omulabe wa Kristo. Kati ka njogere kino era nkitangaalize ddala. SIWAKANYA BANTU. KYE MPAKANYA Y'ENKOLA.

Obwegassi wakati w'eggwanga n'ekkanisa akadaala katekeddawo eri Emirembe gy'Enzikiza. Era ddala okumala emyaka lukumi (1,000) ekkansia yayingira mu buziba bw'enzikiza, ng'emanyi obuziba bwa Setaani. Abantu abannaddiini bwe banywegera Obwanikalayiti n'Obwabalamu, ne baba n'amaanyi (obuyinza) g'obufuzi, ag'ebi'ensimbi n'ag'omubiri okubiwigira, waliwo ekkubo limu lyokka lye bayinza okukwata. Ekkubo eryo liri ddala wakati mu njigiriza ya Yezeberi.

Kati Iwaki twogera kino? Lwa kuba nga bwe tukiraze nga tuyiga ku mulembe ogwokuna nti Yezeberi yali wa ggwanga lya Sidoni, muwala wa Esubaali eyali kabaka kabona eri Asitarte. Yali mutemu. Omukazi ono yafumbirwa Akabu (cabaka wa Israeri) lwa nsonga za bya bufuzi. Olwo n'amaamulako eddiini y'abantu n'atemula Abaleevi, n'azimba ziyeekaalu mwe yaleetera abantu okusinza Asitarte (Venus) ne Baali (katonda w'enjuba). Yagunjavo enjigiriza era n'ayigiriza bakabona be okugisomesa, era bo ekyavaamu ne bagikkirizisa abantu.

Awo muyinza okulabira ddala eyayitbwanga obuyitibwa ekkanisa kiki kye yali mu mirembe gy'enzikiza. Ekigambo kya Katonda baakivirako ddala ne basigazaako mannya, mitwe gya Bulamba bwa Katonda n'ennono ntono ez'Ebyawandiikibwa. Ebyo bye bajja mu Bayibuli baabinyyoola nga bakyusa amakulu gaabyo. Ettendekero lyabwe ery'abalabirizi, n'ebirala, byawandiika ebitabo bingi eby'endowooza zaabyo engazi, bappaapa baabwe beerangirira nti tebasobya era ne bagamba mbu baafuna okubikkulirwa okuva eri Katonda era ne boogera nga Katonda eri abantu. Bino bakabona byabayigirizibwa era olw'okuya ne babikkirizisa abantu. Okugaana nga kuvaamu kuttibwa ova kugobebwa ekiyinza n'okuba ekibi okusinga okufa. Mu kiseera kino ekkanisa ng'erina eddobbozi ekkakafu ye yawamba obufuzi, era ng'etaamye n'obuyinza baanywa omusaayi gw'abajulizi okutuusa Abakulisitaayo abatuufu kumpi bona lwe baasaanyizibwawo era kumpi ne watasgalawo Kigambo, n'okweyleka kw'Omwoyo Omutukuvu ne kuba kutono. Naye omuzabbibu ogw'amazima gwafuba ne gusimattuka. Katonda Yali mwesigwa eri ekisibo ekitono era wadde Rooma kiki kye yali eyinza okukola ku mibiri gyabwe yali tesobola kutta Mwoyo ogwabalimu, era n'omusana gwa mazima gweyongera okwaka, nga guwagirwa Omwoyo Omutukuvu n'amaanyi.

Wano walungi okuggyayo obutangaavu. Mulabe. Ebikolwa n'enjigiriza ebya Banikolayiti, enjigiriza ya Balamu, enjigiriza ya bannabbi ab'obulimba Yezeberi, tebikola myoyo esatu ova nkola ssatu ez'omwoyo. Ebisatu bino kwe kweyleka okw'enjawulo okw'omwoyo ogumu nga bwe guva mu buziba okweyongera mu buziba. Kye guli, kiri nti

gwe mwoyo omulabe wa Kristo ow'okutegeka ebibiina mu mitendera esatu eg'y'enjawulo. Bakabona bwe beeyawulanga ne beekolamu ekibiina era ne banyigiriza abantu nga babayingiza mu kibiina nabo ne babasibira omwo. Ekibiina kino kyasimbibwa ku musingi gwa bikwate n'ebiragiro bye baayigirizanga abantu mu kifo ky'Ekigambo kya Katonda ekitali kitabulemu.

Obulombolombo n'emikolo byaweebwa ekitundu kinene mu kusinza, era mangu ddala enkola eno mu bulamba yafuuka ya kijaasi era eya nnakyemalira eyagezaako nga bw'esobola okufuga buli kimu ng'eyita mu kusendasenda n'ebigambo oba amaanyi gennyini ag'ekifuba. Amaanyi gaayo yagajja mu bunnabbibi obw'obulimba so si mu Kigambo kya Katonda. Mu kiseera kino yali efuukidde ddala mulabe wa Kristo wadde yajja yeerimbise mu Linnya Iya Kristo.

Oluvannyuma Iw'ekyo ekyalabika ng'ekiseera ekitaggwaawo Amazima mwe gaali gateekwa okufiira ddala, abantu baatandika okuwakanya obutaliimu bw'Ekereziya y'e Rooma Enkatolika, kubanga wadde mu kufumiitiriza okw'engeri ki Katonda Yali Tayinza kuba mu njigiriza na nneeyisa efaanana bw'etyo. Okuwakanyizibwa kuno oluusi tekwafiibwangako ne kufa olw'obutasasamaza, ate oluusi Rooma yakulwanyisanga n'ekusaanyaawo. Kati olwo, Katonda mu kisa Kye eky'oku ntikko n'Atuma omubaka Martin Luther atandike okuddaabulula. Yakolera mu mbeera Ekereziya Katolika ey'e Rooma we yakkirizibwa ennyo okwetyongera okugenda mu maaso okukola ebikyamu n'eba nga yali enaatera okukungula amagoba gaabyo. Kale Luther bwe yabuulira obutabalirwako musango okuyita mu kukkiriza omuzabbibu ogw'amazima omulundi ogwasooka mu byasa ebingi gwatandika okukula obulungi ennyo.

Eyo eyitibwa obuyitibwa ekkansa nga bwe yali ekozesessa obuyinza bw'eggwanga okuguwagira, kati obuyinza (amaanyi) bw'eggwanga bwatandika okugulwanyisa. Era wano Luther we yakolera ensobi ye, n'abakkiriza abatuufu we baakolera ensobi yaabwe. Bakkiriza eggwanga okubawagira mu by'ensimbi. Kale omulembe guno tegwagenda nnyo mu buziba ku bikwata ku Kigambo. Katonda Yeebazibwe olw'awo we baatuuka, wabula olw'okuba beesigama nnyo ku maanyi g'ebi'obufuzi, omulembe guno gwaggwaako nga guli mu kibiina era ekibiina kino kyennyini mu mulembe gwa Luther ekyali kyekutuddeko okuva ku muzabbibu omukyamu, kati kyakyuka okuddayo ne kifuuka muwala w'omwenzi kubanga kyayingirira ddala mu Bwanikolayiti n'Obwabalamu. Emyaka gino gyalimu amabala g'okwekobaana mu gyo, era okukakasiza ddala wa gye baakoma okuva ku nsigo ey'amazima kyetaagisa kusoma busomi ebyafaayo olabe buli omu nga bwe yayigganya munne, era n'emirundi egimu ne battinngana. Wabula mu bo mwalimu amannya matono, nga era bwe kibaddenga mu buli mulembe.

Tusanyuka, mu mulembe guno olw'ekintu kino kimu. Okuddaabulula kwali kutandise. Tekwali kuzuukira wabula kuddaabulula. Ate era tekwali kuzzaawo. Naye empeke y'enngaano eyali efiiride e Nikyeya n'evundira mu Mirembe Egy'ekizikiza, kati yaggyayo omutunsi ogw'amazima ekyali kiraga nti mu maaso, ku nkomerero y'Omulembe gwa Lawodikiya, Yesu ng'Anaatera okudda, ekkansa yali yakuddayo nate okubeera Ensigo y'Enngaano Omugole nga ey'omo nsiko ya kukungulwa eyokebwe mu nnyanja ey'omuliro.

Okuva omulembe ogwokutaano lwe gwali gusaasaanyizza ennyo Ekigambo okuyita mu kuwandiika, ogwomukaaga gwali mwangu okwetyambisa omukisa guno. Omulembe guno lye lyali eddaala eryokubiri mu kuzzaawo era nga bwe tugambye gye buvuddeko gwe gwali omulembe gw'emin yololo. Okusoma kwayala nnyo. Guno gwe gwali omulembe gw'abantu abayivu ennyo abaayagala Katonda ne bamuweereza. Abaminsani beeyongera nnyo era Ekigambo ne kisaasaana mu nsi yonna. Gwali mulembe gw'okwagalana kw'abooluganda. Gwali mulembe gwa luggi oluggule. Gwe mulembe ogwasembayo okubeera n'ekiseera ekiwanvu, era bwe gwaggwaako gwalina okuddirirwa ogwa Lawodikiya ogulina okuba omumpi.

Omuzabbibu ogw'amazima gwayanya nnyo mu mulembe guno okusinga mu mirala gyonna nga bwe twandigambye nti okutuuka ebule n'ebweya. Omulembe guno gwaleeta abantu abatukuvu ku mwanjo. Omuzabbibu ogw'amazima gwasaasaana omuzabbibu ogw'obulimba ne guddirira. Buli wonna omuzabbibu ogw'amazima we gwagenda Katonda Yaleetawo omusana, obulamu n'essanyu. Omuzabbibu ogw'obulimba gwalagibwa kiki kye gwali; kizikiza, nnaku, bwavu, butamanya na kufa. Ng'omuzabbibu ogw'obulimba mu nnaku zaagwo bwe gutasobola kutta muzabbibu gw'amazima, n'omuzabbibu ogw'amazima kati wano gwali tegusobola kukomyawo gwa bulimba eri Yesu Kristo. Naye omuzabbibu ogw'obulimba gwekweka, nga gulindirira ekitundu

ekisembayo eky'omulembe ogusembayo mwe gugenda okuwangula gweddize bona okuggyako ekisibo ekyo ekitono abaali abalonde, omuzabbibу gwa Katonda ogw'amazima.

Wabula omulembe guno nga gutunakuwaza nnyo nga bwe tulaba nti buli mulimu ogw'ekitalo (era gyali mingi) ogwa Katonda tebaafaayo kusuula njigiriza ya Nikolayiti kubanga bona beetegekamu ebibiina ne bafa. Olwo ne bayingira mu ddiini basibire abafu mu mwoyo mu ddundiro omutali muddo. Baakimanyaako katono, naye buli kibiina kyasiigibwa (kyayonoonebwa) ensobi eno y'emu era omuliro ogwabazzanga obuggyga bwe gwakendeeranga ebibiina ne biwamba obufuzi abantu ne bafuuka amadiini. Baali bayitibwa buyitibwa Bakulisitaayo wadde buli kibiina kyagambiranga ddala n'obukakafu bwe bumu nga Ekereziya Enkatolika ey'e Rooma mbu baali batuufu abalala bona abasigaddeo nga be bakyamu. Engeri yali eteekeddawo eri abawala baddeyo eka mu mulembe ogusembayo, okuddayo e Rooma, wansi w'enkoko nnyaabwe.

Kale tutuuka ku mulembe ogusembayo: Omulembe gwa Lawodikiya. Ogwo gwe mulembe gwaffe. Tukimanyi nti gwe mulembe ogusembayo kubanga Abayudaaya baddayo mu Nsi Entukuvu. Si nsonga ngeri ki gye baddayo; kwo okuba gye bali. Era kino ekiseera kye ky'okukungula. Wabula ng'okukungula tekunnabaawo walina okubaawo okwengera, okukula okw'emizabbibу gyombi.

Omulembe gwa Luther gwe gwali ogw'ekiseera eky'okutojerra. Omulembe gwa Wesley kye kyali ekiseera eky'omukalwe ogukuza ebimera. Omulembe gwa Lawodikiya kye kiseera eky'okukungula enngaano ey'omu nsiko ng'ekunngaanyizibwa olw'okusibwa n'okwokebwa; n'okuterekera Mukama enngaano ennungi.

Kiseera kya makungula. Okimanyi nti mu kiseera eky'amakungula, wadde okwengera kwanguwako, naye waliwo okuddirira mu kukula okutuusa okukula lwe kukomera ddala? Ekyo kyennyini si kye tulaba mu kiseera kino? Omuzabbibу ogw'obulimba bangi nnyo kati abaguvaako ne beegatta ku ba Nnaakalyako-ani n'enzikiriza endala ezitali zimu. Omuwendo gwe tegweyongerako kulinnya nga bw'ayagala okutulowoozes. Okwekwata kwe ku bantu tekukyali nga bwe kwali, era emirundi mingi nnyo okugenda mu kkanisa kuba kweraga bwerazi. Ate ggwo omuzabbibу ogw'amazima? Ggwo guli gutya? Gukula? Nnamungi w'abantu abatasalako mu kujja mu nkunngaana z'okudda obuggyga ne ku woolutaali nga bayitiddwa okulokoka yadda wa? Abasinga obungi ku bo tebakyamuukirira bukyamuukirizi mu kujja kwabwe, oba tebanoonya bunoonya bintu ebiggwaawo mu kifo ky'okuyaayaanira ekyo ekituufu eky'Omwoyo? Omulembe guno tegufaanana ng'ennaku za Nuwa mwe yayingirira eryato, oluggi ne luggalwawo, naye Katonda n'Alindako okusala omusango okumala ennaku musanvu? Mu nnaku ezo ez'akasiirikiriro tewaali wadde omu eyakyusibwa okudda eri Katonda.

So ng'ate kiseera kya makungula. Olwo wateekwa okulabikawo mu mulembe guno abo abanaakuza enngaano ennungi n'ensi. Enngaano ey'omu nsiko yatandika dda okukula era ekulira ku mbiro wansi w'abayigiriza abakyamu abantu okubaggya ku Kigambo. Naye n'enngaano ennungi eteekwa okukula. Era Katonda Agitumira Omubaka Nhabbi n'obuweereza obukakasiddwa alyoke asembezebwе abalonde. Bagenda kumuwliranga ng'ekkanisa eyasooka bwe yawuliriza Pawulo, era egenda kukula mu Kigambo okutuusa lw'alifuuka Omugole ow'Ekgambo emirimu egy'amaanyi gisangibwe mu ye bulijjo egigoberera Ekgambo ekitali kitabulemu n'okukkiriza.

Ebibiina by'ekkanisa ey'obulimba bigenda kwegatta wamu mu lukiiko lw'amakanisa olw'ensi yonna. Olukiiko luno olw'amakanisa gonna mu nsi kye KIFAANANYI EKIZIMBIDDWA ERI ENSOLO.

Okubikkulirwa 13:11-18,

*"Ne ndaba ensolo endala ng'eva mu nsi; era yalina amayembe abiri agafaanana ng'ag'Omwna gw'Endiga, n'eyogera ng'ogusota.*

*N'ekoza obuyinza bwonna obw'ensolo ey'olubereberye mu maaso gaayo, n'esinzisa ensi n'abatuulamu ensolo ey'olubereberye, eyawona ekiwundu eky'okufa.*

*+N'ekola obubonero bunene, era okussa omuliro okuva mu ggulu ku nsi, mu maaso g'abantu.*

*N'erimba abatuula ku nsi, olw'obubonero bwe yaveebwa okukola mu maaso g'ensolo; ng'egamba abatuula ku nsi, okukolera ensolo ekifaananyi, erina ekiwundu eky'ekitala n'eba nnamu.*

*N'eweewba okuwa ekifaananyi eky'ensolo okussa omukka, ekifaananyi aky'ensolo kiryoke kyogere, era kisse bonna abatasinza kifaananyi kya nsolo.*

*N'ewaliriza bona, abato n'abakulu, n'abagagga n'abaavu, n'ab'eddembe n'abaddu okuweebwa enkovu ku mukono gwabwe ogwa ddyo oba ku byenyi byabwe; era omuntu yenna aleme okuyinza okugula newankubadde okutunda wabula oyo amaze okuteekebwako akabonero, erinnya ly'ensolo oba omuwendo gw'erinnya lyayo.*

*Awo we wali amagezi. Alina okutegeera abalirire omuwendo gw'ensolo; kubanga gwe muwendo gw'omuntu: n'omuwendo gwayo Lukaaga mu nkaaga mu mukaaga."*

Kati mujjukire, bwali Bwakabaka bwa Rooma enkaafiiri (Imperial Pagan Rome) obwasuulibwa ekitala. Naye yawonyezebwa okufa kwe bwe yeegatta ku kkanisa y'e Rooma eyitibwa obuyitibwa Enkulisitaayo n'egatta obukaafiiri n' Obukulisitaayo, olwo n'efuuka Obwakabaka bwa Rooma Obutukuvu obwalina okubeerawo okutuusa okudda kwa Yesu Abuzikirize. Naye Rooma teri yokka mu bintu ebyo. Bawala baayo bali ddala wamu nayo era aja kuwambira ddala obufuzi obw'oku ntikko nga yeeyambisa Olukiiko Iw'Amakanisa olw'Ensi yonna.

Kino kiyinza okulabika ng'ekitali kyangu eri abamu naye ddala mu butuufu kyeragira ddala Iwatu eri abantu bona kubanga mu kiseera kino kyennyini amakanisa ge gafuga eby'obufuzi era ekiseera ekituufu obufuzi obwo bujja kwetoleka wa we bwenkana. Enkola eno etabaganya enzikiriza zonna ku ntikko ejja kuba wamu ne Rooma wadde abantu si bwe batyo bwe baakiraba. Kino bwe kiri kubanga Okubikkulirwa 17:3-6 kigamba nti omwenzi, Ekyama Babulooni kitudde ku nsolo. Afuga obwakabaka obusembayo ova obwokuna. Ekereziya y'e Rooma eno y'ekola ekyo. N'enkola y'ensi yonna wansi wa Rooma waayo, y'ejja okuba ng'efuga era ekifaananyi kino (enkola y'ekkanisa) egenda kugondera Rooma kubanga Rooma efuga zaabu w'ensi yonna.

N'olw'ekyo abantu bona balina okuba ekitundu mu nkola y'ekkanisa ey'ensi yonna ova si ekyo babe nga bazinira ku ntoli z'abo abalimu kubanga tebasobola kugula ova kutunda awatali kabonero ka nsolo mu mukono ova mu kyenyi. Akabonero kano mu mutwe amakulu gaako kategeeza nti bajja kuba nga balina okukkiriza enjigiriza y'enkola y'ekkanisa ey'ensi yonna ng'enkola eyo ye Tirinita, n'ebirala, n'akabonero mu mukono akategeeza okukola ekkanisa y'ensi yonna by'eyagala. N'obuyinza buno obw'ekitalo enkola z'ekkanisa zija kuyigganya omugole omutuufu. Ekifaananyi kino kijja kugezaako okuziyiza omugole okubuulira n'okuyigiriza, n'ebirala. Abawereza be bajja kugaanibwa okubudaabuda n'okuwa abantu amazima abo abageetaaga. Naye ng'omulabe wa Kristo (muntu yennyini) tanneddiza nkola eno ey'ensi yonna mu bulamba ekkanisa entuufu ejja kuggyibwa mu nsi eno okubeera ne Mukama. Katonda Ajja kutwala omugole We ku Kyeggulo ky'Embaga y'Obugole eky'ekitalo eky'Omwanza gw'Endiga.

Kati essuula eno emaliriza, nga bw'eweereddwa okusobola okulondoola amakanisa abiri n'emayo ebiri okuva ku Pentekoote okutuuka ku ntikko zaayo, ekiseera kino ekisembayo tujja kukimalira mu kulaga kino mu Mulembe gwa Lawodikya.

Omulembe guno gwatandika mangu ddala ng'ekyasa ky'abiri kyakatandika. Nga bwe gwali gugenda okuba omulembe ekkanisa entuufu mweddiramu okubeera omugole nga bwe yali ku Pentekoote, tumanyi nti kyetaagisa okukomawo kw'amaanyi ag'ekitalo. Abakkiriza kino baakirengera mu myoyo gyabwe ne batandika okukaabirira Katonda bafune okufukibwako ng'okwo okwaliwo mu kyasa ekyasooka.

Ekyalabika okuba ng'okwanukulwa kyajja abantu bangi bwe baatandika okwogera mu nnimi n'okweyleka kw'ebirabo by'Omwoyo. Olwo ne kiryoka kikkiriziba nti ddala kuno kwennyini kwe KUZZIBAWO okwali kulindirirwa okumala ebbanga eggwanvu. Tekwali kkwo, kubanga enkuba ey'oluvannyuma yajja luvannyuma Iw'eyo eyasooka, eyo etonnya mu kiseera obutiti we buggweerako ekyeya kiryoce kitandike ova eyitibwa enkuba EY'OKUYIGIRIZA. N'olw'ekyo, enkuba ey'oluvannyuma, y'enkuba EY'AMAKUNGULA. Kiyinza kitya okuba nti kino kye kintu kyennyini nga Enkuba Ey'okuyigiriza yali tennaba kujja? Omubaka Nnabbi eyali ow'okutumibwa OKUYIGIRIZA abantu akyuse emitima gy'abaana okugizzaayo eri bakitaabwe Abapentekoote yali tannaba kujja. Kale ekyo ekyalowoozebwka okuba nti kwe kuzzaawo n'okuzuukiza okusembayo okw'okukwakkulibwa byali tebinnaba kujja. Mu kwo mwali mutabikiddwamu okugabana ku mikisa gy'Omwoyo okutali kutuukirivu n'okweyleka mu Mwyo Omutukuvu nga bwe tugenzenga tubalaga. Mu kwo era mwali amaanayi ga setaani abantu nga bwe baali bafugibwa amasetaani, ne watabaawo na muntu akitegeera. Kati, okukakasa nti tekyali kya NNAMADDALA, abantu bano (nga n'omulembe ogwokubiri tegunnaba kulabika) baategeka ebibiina, ne bawandiika enjigiriza zaabwe ezitaali mu byawandiikibwa ne beezimbira enkomera zaabwe ng'ebibiina ebirala byonna ebyasooka

bwe byakola.

Mujjukire, Yesu ng'Ali ku nsi ne Yuda yaliwo. Buli omu yasibuka mu mwoyo gwa njawulo, era mu kufa buli omu yagenda mu kifo kye. Omwoyo wa Kristo oluvannyuma Yakomawo ku kkanisa ey'amazima n'omwoyo wa Yuda n'akomawo ku kkanisa ey'obulimba.

Kiri ddala wano mu Okubikkulirwa 6:2-8,

*"Ne ndaba, era laba embalaasi enjeru, n'oyo atuddeko ng'alina omutego; n'aweewba engule: n'agenda ng'awangula, era awangule. Bwe yabembula akabonero ahookubiri, ne mpulira ekiramu ekyokubiri nga kyogera nti Jjangu."*

*N'evaayo embalaasi endala eya lukunu: era oyo eyali atuddeko n'aweewba okuggyawo emirembe ku nsi, era battinngane bokka na bokka: n'aweewba ekitala ekinene.*

*Bwe yabembula akabonero ahookusatu ne mpulira ekiramu eky'okusatu nga kyogera nti Jjangu. Ne ndaba, era laba embalaasi enzirugavu; n'eyali atuddeko ng'alina ekigera mu mukono gwe.*

*Ne mpulira ng'eddoboozi wakati w'ebiramu ebina nga lyogera nti Ekiyi ky'enngaano kya ddinaali, n'ebiyi bisatu ebya sayiri bya ddinaali; amafuta n'omwenge so tobyonoona.*

*Bwe yabembula akabonero ahookuna, ne mpulira eddoboozi ly'ekiramu ekyokuna nga kyogera nti Jjangu.*

*Ne ndaba, era, laba, embalaasi eya kyenvu; n'eyali atuddeko, erinnya lye Kufa ne Magombe n'agenda naye. Ne baweebwa obuyinza ku kitundu ekyokuna eky'ensi, okutta n'ekitala n'enjala n'olumbe n'ensolo z'ensi."*

Mulabe omwoyo gwa Yuda bwe gwakomawo ng'omwebagazi (omuvuzi) w'embalaasi enjeru. Yali njeru. Kiriraanidde ddala ekyo ekya nnamaddala nga Yuda bwe yali ku lusegere Iwa Yesu. Engule yamuweebwa (eyali atudde ku mbalaasi enjeru). Mu ngeri ki? Omwoyo ogwo kati gwali mu mukulembeze w'enkola ya Banikolayiti era oyo ye yali ppaapa eyalina engule ey'ennimi essatu eyatuula nga Katonda mu yeekaalu ye, nga yeeyita omusigire wa Kristo. Omusigire wa Kristo oba kitegeeza "mu kifo kya Kristo" oba "awandibadde" oba "ku Iwa Katonda" olwo ppaapa kitegeeza yali yeeyita Mwoyo Mutukuvu, oba yali amaamulako Omwoyo Omutukuvu, ng'amukolera. Ogwo gwe gwali omwoyo gwa Yuda mu ye nga gukola ekyo. Laba engeri gye yawangulamu — ng'agenda ng'awangula era awangule. Kristo ekyo Teyakikola. Abo bokka abajja gy'Ali baali baamala dda okwawulibwa Kitaffe. Era bwe gutyo omwoyo ogwo ne gugenda mu maaso era lumu gugenda kujjulira ddala mu muntu alikulembera Olukiiko lw'amakanisa gonna mu nsi (World Council of Churches), nga bwe tubadde tugamba. Era ng'akozesa zaabu we (mujjukira Yuda ye yali omukwasi w'ensawo) agenda kufuga ensi yonna, era enkola eyo omulabe wa Kristo egenda kuba nnannyini bintu byonna era egezeeko okufuga buli muntu. Naye Yesu Alikomawo Abazikirize bona n'obutangaavu bw'okujja Kwe. Era enkomerero yaabwe eriba nnyanja ey'omuliro.

Naye watya ku nsigo ey'amazima? Abantu ba Katonda bategekebwa Ekigambo ky'Amazima ekiva eri omubaka ow'omulembe guno. Mu ye mwe mujja okuba obujjuvu (obulamba) bwa Pentekoote kubanga Omwoyo Ajja kuleeta abantu okubakomyawo awo wennyini we baali okusooka. Ekyo kiri "Bw'Atyo bw'Ayogera Mukama."

Kiri "Bw'Atyo bw'Ayogera Mukama" kubanga ekyo Yoweeri 2:23-26 kye kigamba,

*"Kale musanyuke mmwe abaana ba Sayuuni, era mujagulize Mukama Katonda wammwe: Kubanga Abawa enkuba eya ttoggo n'enkuba eya ddumbi, mu mwezi ogw'olubereberye.*

*N'amawuuliro gajjula enngaano, n'amasogolero galiiyika omwenge n'amafuta.*

*Era Ndibaddiza emyaka enzige gye yalya, kalusejjeru n'akacaaka n'akawuka, eggye Lyange eringi lye Nnagaba okubatabaala.*

*Kale munaalyanga bingi nnyo ne mukkuta, ne mutendereza erinnya lya Mukama Katonda wammwe Eyabakola eby'ekitalo: n'abantu Bange tebalikwatibwa nsonyi ennaku zonna."*

Kati kigamba nti Katonda Agenda "kuddiza." Omulembe gwa Luther ekkanisa tegwagizzaayo gwatandika kuddaabulula. Omulembe gwa Wesley nagwo tegwazzaawo. Omulembe gwa Pentekoote tegwazzaawo. Naye Katonda Alina okuzzaawo kubanga Tayinza kwegaana Kigambo Kye. Kuno si kwe kuzuukira kw'ekkanisa; kwe "Kuzzaawo." Katonda ekkanisa Ajja kugiddizaayo ddala ku Pentekoote eyasooka. Kati laba mu

Iunyiriri olwa 25 kyogera Iwaki twetaaga okuzzaawo. Enzige, kalusejjera, akacaaka n'akawuka biridde ebintu byonna ne wasigalawo mulandira n'akatundu katono ku nduli. Kati tugambibwa nti ebiwuka bino byonna biri ekiwuka kimu okuggyako nti kiri mu mitendera gya njawulo. Ekyo bwe kiri. Gwe mwoyo omulabe wa Kristo ogulabikira mu bibiina, amadiini n'enjigiriza ey'obulimba okuyita mu mirembe gyonna. Era akalandira ako n'enduli bigenda kuzzibwa buggya. Katonda Tagenda kusimba kkanisa mpya, wabula ekisimbe Kye ekyasooka Agenda kukizzaayo kifuuke ensigo embereberye. Akikola nga bwe kigambibwa mu Iunyiriri olwa 23, ng'Akozesa okuyigiriza, oba enkuba "eyasooka." Ekiddako y'enkuba ey'amakungula oba okukkiriza okw'okukwakkulibwa.

N'olw'ekyo mu kaseera kano kennyini tuli mu kutuukirira mu bujuvu okwa Matayo 24: 24, "*n'okukyamya bakyamye n'abalonde, oba nga kiyinzika.*" Era ani oyo aligezaako okulimba abalonde bennyini? Lwaki, omwoyo w'omulabe wa Kristo mu "bafukeko amafuta ab'obulimba" ab'omu nnaku zino envannyuma. Ab'obulimba bano baamala dda okujjira mu "Linnya lya Yesu" nga bagamba mbu Katonda Abafuseeko amafuta olw'ennaku ezisembayo. Be ba Masiya (abafukeko amafuta) ab'obulimba. Beeyita bannabbi. Naye bali bumu n'Ekgambo? Nedda n'akatono. Bakigasseeko oba bakitoddeko. Tewali akiwakanya nti Omwoyo wa Katonda Eyeeyolekera mu birabo Abaliko. Naye okufaanana nga Balamu bona balina enteekateeka zaabwe, bakuba emiranga okufuna ssente, bakozesa ebirabo, naye beegaana Ekgambo oba okukiyitako olw'okutya nti empaka zisobola okubooononera emikisa gyabwe egy'amagoba agasingako. So nga babuulira obulokozi n'okusumululwa okuyita mu maanyi ga Katonda, okufaanana nga Yuda, n'obuwereza obwabaweebwa Kristo. Naye olw'okuba bali nsigo enkyamu, ekiva mu ekyo balina omwoyo ogutali mutuufu nga gwe gubakozesa.

Bannaddiini? Owange! Bamasamasa okusinga abalonde mu buniikivu ne mu kufuba, wabula bya Lawodikiya, si bya Kristo, kubanga gunoonya bibiina binene, ntegeka nnene, n'obubonero obuwuniikiriza wakati mu bo. Babuulira okudda kwa Kristo, naye bawakanya ekikulu eky'okujja kwa omubaka nnabbi, wadde mu maanyi obubonero n'okubikkulirwa okutuufu bona abasingira wala. Ha ddala, omwoyo guno ogw'obulimba ogufaanana ennyo ogwa nnadaddala mu nnaku zino ezisembayo, okumanyika gulabikira ku ngeri gye gwawukana ku Kigambo, era buli Iwe gukwatibwa nga guwakanya Ekgambo, guddayo ku mpaka ze zimu ze tulaze nti nkyamu: "Tuddibwamu (twanukulwa), si bwe kiri? Ekyo kitegeeza nti tuli ba Katonda."

Nga kati tetunnamala, njagala okuleeta ekirowoozo kino. Ebbanga lyonna tubadde twogera ku kuzikibwa kw'Ensigo y'Enngaano ennungi, okuggyayo emitensi ebiri, eminyololo, n'oluvannyuma empeke yennyini. Kino kiyinza okwewuunyisa abamu bwe tugamba nti Abaluther tebaalina Mwoyo Mutukuvu olw'okuba baayigiririza ku musingi ogw'obutabalibwako musango. Kiyinza okwewuunyisa abamu ku Bamethodist, n'abalala. Nedda ssebo, ekyo si kye tugamba. Tetwogera ku bantu kinnoomu oba ku bantu, wabula ku MULEMBE. Luther yalina Omwoyo wa Katonda, naye omulembe gwe si gwe gwali omulembe gw'okuzzaawo mu bujuvu okuyita mu kufukibwako kw'Omwoyo nga bwe kyali okusooka. Kyali kintu kye kimu ne Wesley, Booth, Knox, Whitefield, Brainard, Jonathan Edwards, Meuller, n'abalala. Ddala baali bajjude Omwoyo Omutukuvu. Yee ddala bwe baali. Wabula mu mulembe buli omu we yabeererawo si gwe gwali omulembe ogw'okuzzaawo, wadde tegwali mulembe mulala gwonna okuggyako omulembe guno ogusembayo, omulembe ogw'ekizikiza kyennyini mu kuwaba. Guno gwe mulembe ogw'okuwaba okuva ku Kigambo era gwe mulembe ogw'okuzzaawo, gwe mulembe enkulungo mw'eggwerayo. Guno gwe gumazisaayo emirembe gyonna.

N'olw'ekyo tumaliriza Emirembe Omusanvu egy'Ekkanisa, nga twogera ekyo kyokka Onwoyo kye Yayogera eri buli mulembe, "Alina okutu awulire Omwoyo ky'Ayogera eri amakanisa."

Nzikiririza ddala nti Omwoyo wa Katonda Abadde Ayogera gye tuli, si kutusomesa busomesa mazima ga mirembe (ebiro), naye mu bwsigwa Abadde Akolagana n'emitima gyaffe giryoke gidde gy'Ali. Eyo y'ensonga y'okuyigiriza n'okubuulira kubanga mu kubuulira n'okuyigiriza Ekgambo endiga mwe ziwlirira eddoboozi lya Katonda ne zimugoberera.

Tewali wadde omulundi ogumu Iwe ndeeta bubaka eri abantu balyoke bangoberere, oba beegatte ku kkanisa yange, oba babeerekoo olukunngaana oba ekibiina kye batandika. Ekyo sikikolangako era sijja kukikola na kati. Sirina kye njagala mu bintu ebyo, wabula njagala bintu bya Katonda n'abantu, era singa mbaako ekintu ekimu kye ntuukiriza nja kuba mumativu. Ekintu ekimu ekyo kwe kulaba nga wateereddwawo

enkolagana entuufu wakati wa Katonda n'abantu, abantu mwe bafuukira ebitonde ebiggya mu Kristo; nga bajjudde Omwoyo Gwe era nga obulamu bwabwe bugendera ku Kigambo Kye. Mbayita, mbakubira omulanga era mbalabula mwenna okuwulira eddobozi Lye mu kiseera kino, era muweereyo ddala obulamu bwammwe gy'Ali, era nga nkakasa mu mutima gwange nti ebyange byonna mbiwaddeyo gy'Ali. Katonda Abawe emikisa, era okujja Kwe kusanyuse emitima gyammwe.



[www.messagehub.info](http://www.messagehub.info)

Sermons By  
**William Marrion Branham**  
"... *in the days of the voice ...*" Rev. 10:7